

# Dienelkander



## Nuusbrief van die Gereformeerde Kerk Potchefstroom-Oos

7 Junie 2015

**OGGENDDIENS:** ds Karel

Sing Ps. 69-2: 3, 5; Gebed

**Skriflesing:** Romeine 12:1-8

**Woorddiens**

Skriflesing; Sing Ps. 33-2: 2, 7; Woordverkondiging;

**Teks:** Romeine 12:1-2

**Antwoorddiens**

Gebed; Liefdegawes; Gebed vir BnB; Sing Sb. 14-1: 1, 2, 3; Seën; Amenlied Sb. 13-3.

**Tema:** Op grond van die groot onferming van God, gee jouself as `n lewende en heilige offer en laat só jou geloof groei!

**AANDDIENS:** prof Francois Muller

**Skriflesing:** Psalm 23 en Johannes 10

**Ontmoetingsdiens**

Intreelied: Ps. 91-1: 1, 2; Votum; Groetseën; Loflied: Sb. 12-3: 1, 2; Gebed

**Woorddiens**

Skriflesing; Sing Ps. 119-2: 14, 18, 22, 27; Woordbediening

**Antwoorddiens**

Gebed; Liefdegawe; Slotsang Ps. 42-1: 1, 5, 7; Seën; Amenlied Sb. 13-3.

Die afgelope paar weke het ons saam gefokus op geestelike groei. Ons het saam gekyk na die wortels van geestelike groei, na die rol van die Heilige Gees in geestelike groei, na die plek van die liefde en die Wet in geestelike groei en laastens ook na die vrug van geestelike groei. Die vraag is egter: hoe kan ek prakties geestelike groei bewerkstellig?

Ja, die Heilige Gees laat ons geestelik groei, maar ons kry ook duidelike opdragte dat ons geestelike moet groei. In hierdie verband gee Romeine 12:1-8 en in die besonder verse 1 en 2 vir ons praktiese raad. Kom ons delf saam om hierdie ou goud in God se lewende Woord op te diep...

**Vooraf sang**

Lied 284: 1, 2, 3 en Lied 439: 1, 2

**Ontmoetingsdiens**

Intreelied: Ps. 116-1: 1, 9; Votum; Seën; Lofpsalm Lied 464: 1, 3, 4; Geloofsbelijdenis: Nicea

**Verootmoedigingsdiens**

Wet: Romeine 3:9-20; Sing Ps. 19-2: 3, 4, 5; Vryspreek: Romeine 7:21-8:4;

## MEELEWING

- Griet du Preez (Groep 26 - 083 464 6553) se linkerknievervanging is Donderdag na baie jare se gebruik weer vervang in Randfontein. Die operasie het goed afgeloop.
- June Kruger (Groep 28 - 082 853 1463) is oorgeplaas na 'n rehabilitasie eenheid van Eugene Marais Hospitaal waar die versorging baie intensief is. Sy is egter nog baie swak.

- Susamarie de Villiers (Groep 39 - 082 416 3998) het die afgelope week `n angiogram ondergaan en is dankbaar dat die uitslae baie gunstig is. Sy sterk huis aan.
- Koot Kruger (Groep 4 - 084 400 1004) was in die Provinciale Hospitaal behandel en is nou opgeneem in Sameul Broadbent tehuis. Hy is fisies baie swak en kan nie praat nie. Tannie Miems bly nog in hulle woonstel.
- Ons is baie dankbaar saam met Willem en Christa Pienaar dat beenmurg-toetse wat Christa ondergaan het, negatief getoets het. Ons vertrou dat hulle die oorsprong van die probleem nog sal vind.
- Daar is baie lidmate wat siek is aan griep, verkoue en bronchitis.

**Ons bid dat die Here spoedig beterskap en herstel sal gee.**

**Ons innige meegevoel met:**

- Rina Snyman en familie, wie se skoonsuster oorlede is in die ouerdom van 90 jr. Sy was vir 25 jaar orreliste in die Geref. kerk Postmasburg
- Gep Floor, wie se broer in Frankryk oorlede is.

**ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID**

Srs Sannie Reyneke, Filina Coetsee, Marianne Kruger, Bettie Ras, Janet vd Walt, Hester Buys, Kosie Kruger, Therina vd Westhuizen en br Fanie Bezuidenhout.

**ONDERSTEUNING VIR SIEKES**

**Vir ondersteuning of besoeke deur die hospitaalbesoeke-diensgroep, skakel hierdie week vir:**

[siektes@oosdoppers.co.za](mailto:siektes@oosdoppers.co.za);

Louw en Magdaleen Venter (082 566 5879)

**BAIE GELUK**

- Baie geluk aan Demmè Duvenage wat as een van die Gr 9's se Top 5 akademiese presteerders in Hoërskool Ventersdorp aangewys is. Sy het ook met bewys van lidmaatskap vertrek na die NG Kerk Ventersdorp.
- Geluk aan Chris en Odelia Venter wat nog 'n kleinseun ryker geword het met die geboorte van Christia se seuntjie. Ons is saam met julle dankbaar.

**ONS VERWELKOM GRAAG:**

- Dawie en Cindy du Plessis met AJ en Schalk wat met attestaat vanaf Gereformeerde Kerk Buffelidoorns by ons aansluit. Hulle woon op Taaiboschspruit, Groep 19.
- Dana en Wilmarie du Plessis wat met attestaat vanaf Gereformeerde Kerk, Potchefstroom-Suid by ons aansluit. Hulle woon in Neethlingstraat 25, groep 25.

**AFKONDIGINGS**

**Vandag**

- 09:00 Gebedsgroep  
09:30 Oggenddiens  
Tee en Koffie  
Kleuterbediening  
Katkisasie 15 - Ouer- en kindkatkisasie  
18:00 Aanddiens  
19:00 Ouderlingevergadering

**Maandag**

- 18:00 Kersmark  
19:00 Kommunikasiediensgroep

**Dinsdag**

- 06:00 Manne Ondersteuningsgroep  
19:00 Sustersamekoms

**Woensdag**

- 10:00 Amandelbloeisels  
18:30 Bybelstudie: Klipdrif

## **VERJAARSDAE**

**Baie geluk aan almal wat DV hierdie week verjaar!**

### **Sondag, 7 Junie**

Br Patrick Sharpley	076 374 9480
Br Jaap vd Walt (76)	082 493 1827

### **Maandag, 8 Junie**

Jbr Willem Riekert	082 623 6555
--------------------	--------------

### **Dinsdag, 9 Junie**

Jbr Hanré Delport	082 532 8658
-------------------	--------------

### **Vrydag, 12 Junie**

Sr Ans Viljoen (77)	082 681 1310
---------------------	--------------

### **Saterdag, 13 Junie**

Sr Belinda Bezuidenhout	084 558 6998
Sr Elaine Els	072 908 2131

## **ANDER AFKONDIGINGS**

- Liefdegawe vanoggend vir Barmhartigheid.
- Gawe by die deure vanoggend vir die Emeritusfonds.
- Gawe volgende Sondag vir die Ekumenisiteit: London
- Vrywillige bydrae vir voertuigsekuriteit in die bussies by deure.
- Diensbeurte: Groep 16 en 17.

**Ds Piet is vandag uitstedig met Deputate Kerkgroei Bediening by die Geref. Kerk Kathu.**

### **Fokustyd: Praktiese projek: BORG 'N BYBEL**

Ons wil die projek afsluit en vra dat lidmate wat nog Bybels wil borg dit voor Woensdag by die Kerkkantoor inhandig.

### **HUWELIKVERRYKINGSPROGRAM UITGESTEL TOT AUG - SEPT**

Dit blyk dat Saterdae nie 'n goeie keuse was vir die aanbieding van die verrykkingsprogram nie. Ons het dus

besluit om eerder die verrykkingsprogram in Augustus tot September oor 'n aantal weeksaande aan te bied en so meer mense geleentheid te gee om dit by te woon. Ons sal die presiese datums met die aanvang van die derde kwartaal bekend maak.

## **KENNISGEWINGBORD**

- Moot-Kamp vir graad 10 - 12 leerders.
- Hou God in skole projek - fietstoer en ondersteuning.
- Plaaslike Bybelverspreiding: Faans Steyn.

## **AMANDELBLOEISELS**

Ons nooi al ons Amandelbloeisels hartlik uit na 'n gesellige saam-kuier, Woensdag 10 Junie om 10:00 by die Skuur.

## **BILTONGFEES 2015 van die GEREFORMEerde KERK POTCHEFSTROOM-MOIRIVIER**

Kom geniet 'n BILTONGFEES soos min in Potchefstroom.

Wanneer: Vrydagavond, 19 Junie 2015

Tyd : 18:00 vir 18:30

Plek: Banksale Potchefstroom. Madiba Hall: Potchefstroom

Drag : Netjies informeel

Koste: R130 per volwasse persoon, (Hoërskoolkinders word geag as volwassene) R60 per laerskoolleerder, R10 per kleuter. Daar is 'n kontantkroeg beskikbaar. Biltongverpakkings sal teen baie billike pryse te koop wees. Groot asseblief: geen woefkardoese ("Doggy bags") nie! Dankie vir u ondersteuning. Kom geniet die aand in ons geselskap.

Navrae : Ds Koos Mouton sel: 082 925 3959

## **INGEBRUIKNEMINGSKONSERT VAN DIE GEREFORMEerde KERK POTCHEFSTROOM SE 3-MANUAAL RODGERS ORREL**

U word hartlik uitgenooi na die ingebriuknemingskonsert van die 3-manuaal Rodgers orrel van die Gereformeerde Kerk Potchefstroom DV op Vrydag 12 Junie 2015 om 18h00. Geen toegangsgeld word gevra nie, maar 'n vrywillige donasie by die deure sal waardeer word. Die orreluitvoering word gelewer deur die orreliste van die gemeente, Dr. Magda Pelser-van der Merwe. Hierdie Rodgers orrel is die eerste in Noordwes – u kan dit nie misloop nie! Sien u daar!

### **BAIE DANKIE**

Langs hierdie weg baie dankie vir al die meelewings tydens my operasie en aansterkperiode. Dit beteken so baie en word waardeer.

Rina Snyman

### **BAIE DANKIE**

Ek wil graag eerstens my hartlike dank uitspreek teenoor ds Piet en Rieëtte en ds Karel en Susan vir die meelewings wat ek voor en tydens die hospitaalverblyf na die ernstige operasie wat ek moes ondergaan, ontvang het. Veral dankie aan ds Piet wat my tuis kom besoek het en bemoedig het met gebed en uit Jesaja 46 soos ek glo en daagliks ondervind.

Aan Corrie, my wyksuster, wat namens die Potch-Oos sisters en gemeente my verras het met pragtige blomme met my verjaarsdag, asook besoeke tuis en in die hospitaal. Ek waardeer dit intens. Baie dankie!

Ook aan die gemeente, dankie vir gebede, oproepe, besoeke en boodskappe. Dit help om my deur die swaar tyd te steun. Ek bid dat ons Hemelse Vader my elke dag sal vashou en dra deur my lewe wat my nog gegun mag word.

Genade en seënwense aan almal.  
Marietjie Scheepers

## **OPE BRIEF VAN DIE KERKE AAN DIE ANC**

Geagte mnr Mantashe en lede van die ANC-leierskap

Insake die ANC-uitnodiging tot gesprek op 9 Junie 2015

Die Nederduitse Gereformeerde Kerk (NGK), Nederduitsch Hervormde Kerk van Afrika (NHKA) en die Gereformeerde Kerke in Suid-Afrika (GKSA) het kennis geneem van u uitnodiging om op Dinsdag 9 Junie 2015 met die leierskap van die African National Congress (ANC) in gesprek te tree. Ons het daarvan kennis geneem dat die uitnodiging ook aan ander Afrikaanse burgerlike organisasies gerig is. Die drie Kerke het besluit om nie individueel op die uitnodiging te reageer nie, maar wel gesamentlik deur middel van die Tussenkerklike Raad (TKR).

Sedert 1943, met die totstandkoming van die Interkerklike Kommissie, is die NGK, NHKA en GKSA formeel met mekaar in gesprek. Die eenheid wat tussen die Kerke bestaan, word sigbaar in gestruktureerde samewerking op verskillende terreine, onder andere in ons openbare getuienis. Sedert 2004 word die Kerke se gesamentlike optrede en getuienis deur die TKR gekoördineer.

Alhoewel 'n baie groot deel van hierdie drie Kerke se lidmate uit Afrikaanse en blanke lidmate bestaan, het ons ook lidmate uit ander taal-, kulturele en etniese gemeenskappe. Ons is nie maar net deel van die Afrikaanse burgerlike samelewings nie.

Die TKR het na ontvangs van u uitnodiging by verskeie geleenthede besin oor deelname aan die gesprek. Ons is diep bewus van die kerk se profetiese roeping. Die kerk móét

getuig van die versoening in en deur Jesus Christus en die implikasies daarvan vir die Suid-Afrikaanse samelewing, onder ander die handhawing van reg, geregtigheid en menswaardigheid. Daarom het die TKR aanvanklik besluit om die uitnodiging tot gesprek te aanvaar.

Die jongste verwikkelinge rondom die Nkandla-verslag het die TKR genoodsaak om sy deelname aan die gesprek van 9 Junie te hernoeweeg. Die misbruik van regeringsinstellings om die persoonlike verryking van pres Zuma vanuit openbare fondse te kondoneer en hom van persoonlike aanspreeklikheid te vrywaar, is na ons mening immoreel en bevorder sistemiese korruksie in staatsinstellings. Die ANC se gebrek aan morele leierskap met dié aangeleentheid bemoeilik die komende gesprek, omdat die TKR slegs op grond van bepaalde morele uitgangspunte met u in gesprek sou kon tree. Wedersydse erkenning van basiese morele uitgangspunte is na ons mening noodsaaklik vir enige toekomstige gesprek tussen die ANC, kerke en burgerlike organisasies. In die lig hiervan het die TKR besluit om nie u uitnodiging tot gesprek te aanvaar nie.

Die TKR is diep verontrus oor die morele ineenstorting wat die afgelope tyd toenemend in staatsinstellings sigbaar word. Die TKR is verder bekommern oor die ANC-regering se onwilligheid om die morele krisis met konkrete handelinge aan te pak. Voorbeeld wat die huidige moraliteitskrisis illustreer, is die volgende:

- Xenofobiese uitsprake teenoor minderheidsgroepe in Suid-Afrika, onder ander wanneer ANC-leiers na sulke groepe verwys as ‘the other’, ‘colonialists of a special kind’ en ‘die oorsaak van al die probleme in Suider-Afrika sedert 1652’.
- Uitsprake van ANC-leiers ondermyn grondwetlike meganismes soos die Openbare Beskermer.
- Minagting van uitsprake van die hof bring

die onafhanklike funksionering van die regbank en die bestaan van Suid-Afrika as ’n regstaat in die gedrang.

- Politieke inmenging en magsmisbruik in burgerlike organisasies en semi-staatsinstellings is aan die orde van die dag.

Die TKR is diep verontrus oor ANC-uitsprake wat die gesag van die Grondwet van Suid-Afrika, ingeslote die Handves van Regte, ondermy. Die huidige morele krisis lei tot ’n gebrek aan inklusiewe taal en sosiale kohesie, die stelselmatige agteruitgang van infrastruktuur, toename in rassekonflik, sistemiese korruksie en swak administrasie wat onder ander die lewering van maatskaplike en ander dienste aan die armste van die armes ernstig benadeel.

Die TKR beplan om die gesprek oor moraliteit en integriteit met ander kerke in Suid-Afrika, ekumeniese liggeme asook burgerlike organisasies voort te sit en hulle op te roep tot mobilisering in dié verband. Die TKR sou bereid wees om met die ANC in gesprek te tree indien bogenoemde sake ’n wesenlike deel van die agenda sal uitmaak en die gesprek met ons as Kerke plaasvind. Ons wil u graag in dié verband uitnooi.

Vriendelike groete,  
Prof Nelus Niemandt en dr Kobus Gerber  
namens die Nederduitse Gereformeerde Kerk

Dr Wim Dreyer en ds Leon Geel namens die Nederduitsch Hervormde Kerk van Afrika  
Ds Cassie Aucamp en prof Nico Vorster  
namens die Gereformeerde Kerke in Suid-Afrika

## **VLEIS BESKIKBAAR**

Daar is nog heelwat wors en maalvleis beskikbaar. Navrae by die kerkkantoor.

# Susters



## TEESKINKGELEENTHEID

Tee word vandag in die Skuur bedien onder die leiding van Susan Vorster (groep 3); Estelle v Hamburg (groep 18) en Carina Smits (groep 33).

Baie dankie aan die groepsusters en hul groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

## BAIE DANKIE

Gerhard en Sonette Turkstra skenk vir ons koekies om weekliks saam met ons koffie en tee te geniet. Baie dankie vir hierdie groot bederf - ons waardeer dit oopreg!

## SUSTERSBYDRAE

Die susters se fondse word verkry uit elke suster se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoorregtes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.

**Kyk gerus uit vir ons bruinkoevert waarin jy jou sustersbydrae kan sit en in die kluis kan gooi! (Beskikbaar op die tafel in die kerk se portaal en ook in die skuur se portaal)**

## KWARTAALPROGRAM

DATUM	DAG	TYD	WIE	AKTIWITEIT
07-Jun	Sondag	19:00	Blok D	Ouderlingevergadering - verversings
09-Jun	Dinsdag	19:00	Blok B	Sustersamekoms
21-Jun	Sondag	12:00	Blok C	Nagmaalete

## BAIE DANKIE AAN ONS BORG VAN DIE WEEK!

**VIVIERS INGELYF**

**PROKUREURS**

*Skakel Pierre Viviers vir die volgende regsdienste:*

* Opstel van testamente	Eerstevloer
* Boedel- en aftreebeplanning	Octrongebou
* Bereddering van bestorwe boedels	James Morokalaan 62
* Stigting van trusts	Potchefstroom
* Registrasie van onroerende eiendom	<b>(018) 297-5201 k/u</b>
* Siviele litigasie – Hoë- en Landdroshof	<a href="mailto:pierre@viviersattorneys.co.za">pierre@viviersattorneys.co.za</a>
* Skuldinvorderings	
* Huweliksvoorraadeskontrakte	
* Lugvaartregsdienste	
* Lugvaartversekering – FSP nommer 43890	

# OOSDOPPERTJIES

## NUUS UIT DIE BYBELKOERANT

### TROU VAN DIE DEKADE

PADDAN-ARAM. Die afgelope twee weke is hier bruilof gehou soos min. Een van die rykste boere in die distrik, Laban seun van Betuel, het albei sy dogters, Lea en Ragel, binne 'n week uit mekaar in die huwelik laat tree met sy susterskind, Jakob seun van Isak uit Kanaan.

Die gaste se wenkbroue het gelig oor die dubbele troue, aangesien hulle aanvanklik slegs na een troue genooi is.

Daar is egter stories in omloop dat Jakob, wat sewe jaar by sy oom gewerk het vir die voorreg om met Laban se jongste dogter, Ragel te kan trou, dieoggend na sy huwelik woedend was omdat sy bruid nie Ragel nie, maar haar ouer suster lea was. Diè dat daar net 'n week later weer huweliksklokkies gelui het sodat Jakob sy groot liefde, die beeldskone Ragel, kon kry. Maar nou sal hy glo nog sewe jaar vir sy oom moet werk .....

Lees hiervan in Genesis 29.



Om **Groot**  
dinge te bereik  
moet ons  
nie net **Doen**  
nie, maar ook  
**Droom**  
nie net  
beplan nie,  
maar ook **Glo**.